



KOMUNIKADO

Fecha

16 di novèmber 2017

Accountmanager di Komunikashon

Jhanirha Da Costa Gomez

Email

jhanirha.anita@gobiernu.cw

'Kick Off' trayekto di kambio den Servisio pa Obra Públiko

Willemstad - Minister Zita Jesus-Leito huntu ku Tim di Maneho di Ministerio di Tráfiko, Transporte i Planifikashon Urbano (VVRP), ABVO i maneho i personal di Servisio pa Obra Públiko (OW) a ranka sali awe ku un trayekto di reorganisashon di e servisio.

Meta di e trayekto ta pa optimalisá e organisashon di tal forma ku e ta duna mas mihó servisio na komunidad riba e tereno di infrastruktura, i ku e empleado ku ta laborá den e servisio ta satisfecho i produktivo na bienestar di e servisio.

E trayekto lo dura entre 9 luna pa 1 año pa kompletá. Lo buska sosten eksterno kaminda ta nesesario, di organisashonnan manera Gemeente Werken Rotterdam, Rijkswaterstaat i UNOPS.

Durante di un enkuentro ku personal, Minister a anunsiá e trayekto nobo di kambio. Diferente empleado a ekspresá nan preokupashonnan i a bin ideanan dilanti di kiko tur por hasi. Por a mira klaramente e disponibilitat di un i tur pa traha huntu pa futuro di OW

Lo tuma sobra di 2017 pa organisá 2 workshop pa konkretisá e plan di reorganisashon i implementashon intensivo ta kuminsá pa 2018. Tambe lo aloká e fondonan nesesario pa por ehekutá e reorganisashon aki.

Pa por a yega na e punto aki, a reuní na diferente okashon ku ABVO, grupo di trabou di OW, Tim di Maneho di e VVRP i tambe ku Tim di Maneho di OW mes.

Minister Jesus-Leito ta konvensí ku e trayekto lo ta benefisio di nos komunidad en general i di kada empleado di OW en partikular.